

Sivivan Laura yo: Lèt Detèminasyon Apèl pou Lojman Tanporè

Release Date: December 2, 2020

BATON ROUGE, La. — Sivivan siklòn Laura yo ki abite nan pawas ki deziyen yo pou Asistans Lojman Tanporè Dirèk e kit e jwenn refi pou asistans lojman tanporè kapab konteste desizyon sa a. Sivivan yo gen 60 jou apati dat lèt desizyon apèl la pou yo konteste desizyon sa a. Men, dènye delè a pou refere pou asistans lojman tanporè dirèk se 31 Desanm 2020.

Aplikasyon yo ki pa resevwa yon apèl nan FEMA pou diskite sou elijiblite yo pou opsyon lojman tanporè dirèk epi si ou panse gen yon erè yo ankouraje yo pou soumèt yon apèl nan FEMA avèk dokiman sipò pou pwouve kay yo pa abitab akòz gwo domaj oswa destriksyon konplè siklòn Laura te koze.

Aplikasyon ki asire yo gen obligasyon pou soumèt dokiman règleman oswa refi nan FEMA opli vit ke posib si yo te refize reklamasyon asirans yo oswa si li pa ase epi kay yo pa abitab.

Lèt Detèminasyon

Li enpòtan pou w li lèt detèminasyon an avèk anpil atansyon pou idantifye rezon ki fè yo deklare yo pa elijib. Men kèk rezon komen:

- Kay la asire e aplikasyon an bezwen pou l bay yon deklarasyon règleman oswa refi pou yo kapab konsidere l pou asistans.
- Sivivan an bezwen pou l bay lòt enfòmasyon ki nesèsè pou l kapab pwove idantite, dwa pwopriyete, ak/oswa okipasyon nan kay ki andomaje a.
- Te genyen plizyè enskripsyon kote yo te itilize menm adrès la.
- Domaj nan yon dezyèm rezidans (kote sivivan abite mwens pase sis mwa nan ane a).
- Kay la ansekirite pou abite akòz dosye FEMA yo endike pa gen anpil oswa pa gen domaj nan kay la.



FEMA

Page 1 of 3

- Rate enspeksyon epi pa gen swivi komunikasyon avèk FEMA.
- FEMA pa anmezi pou kontakte aplikan an.

Abitabilite

Yon kay abitab se yon kay ki ansekirite, pwòp, fonksyonèl e ki pa prezante okenn danje katastwòf te koze pou okipman yo. Règleman FEMA define ansekirite ak pwoteje kont danje ki gen rapò avèk katastwòf oswa menas pou okipman yo; pwòp ki pa gen danje sante ki gen rapò avèk katastwòf; ak fonksyonèl oswa kay yo kapab itilize pou objektif yo te prevwa a.

Yon enspeksyon FEMA detèmine si reparasyon kay nesèsè pou asire sekirite oswea sante okipman yo oswa pou fè rezidans lan fonksyonèl. FEMA konsidere faktè ki annaprè yo lè yap detèmine abitabilite ak akòde asistans pou reparasyon:

- Eksteryè a estriktirèlman sa ki gen ladan fenèt, pòt, ak twati;
- Sèvis piblik yo fonksyonèl sa ki gen ladan elekrisite, gaz, chofaj, plonbri, elatriye.;
- Estrikti andedan an an bon eta sa ki gen ladan planche, miray, ak plafon;
- Gen aksè ansekirite pou ale ak soti nan kay la;
- Sistèm septik ak egou a fonksyone komsadwa; ak
- Rezèv dlo a oswa pwi ateyen an (si aplikab) fonksyonèl.

Domaj katastwòf koze ka soti san li pa rann kay la inabitab. Byenke ti danje kapab koze kèk deranjman. Yo prevwa ke moun oswa kay yo pral adrese pèt sa yo san asistans federal.

Detèmine Abitabilite

Pou siklòn Laura, FEMA te itilize plizyè metòd pou verifye abitabilite. Enspektè FEMA ki gen anpil eksperyans nan FEMA te fè enspeksyon yo epi kay yo te idantifye kòm inabitab yon validasyon eksteryè te konplete tou nan kay la. FEMA te itilize tou teknoloji, tankou imaj satelit ak enfòmasyon ki soti nan Sèvis Dife Eta pou fè detèminasyon sa yo.

Konteste Desizyon FEMA



Si ou santi kantite oswa kalite asistans lan pa kòrèk, ou ka soumèt yon eksplikasyon siyen, alekri ki endike poukisa ou panse desizyon FEMA pa kòrèk, ansanm avèk kopi nenpòt dokiman ki sipòte kontestasyon ou an epi montre pèt ou nan katastwòf. Ou dwe soumèt nan FEMA lèt kontestasyon ou an nan lespas 60 jou apati dat lèt desizyon ou an e li dwe deklare ke wap mande rekonsiderasyon sou desizyon spesifik epi eksplike andetay poukisa out e depoze apèl la.

Gen kat fason ou kapab soumèt lèt la ansanm avèk dokiman yo. Asire pou enkli lèt kouvèti ou te resevwa nan FEMA—avèk nenpòt lèt ou soumèt.

Voye pa lapòs nan adrès ki anba.

- FEMA National Processing Service Center
- P.O. Box 10055
- Hyattsville, MD 20782-7055

- Fakse l nan: 800-827-8112.
- Telechaje nan disasterassistance.gov si ou gen yon kont FEMA anliy. Pou kreye yon kont FEMA anliy, vizite sit la epi klike sou “Check Your Application and Log In” epi swiv enstriksyon yo.
- Vizite yon Sant Rekipirasyon Katastwòf FEMA, sa ki anba strik pwotokòl COVID-19 pou asire sekirite tout patisipan yo. Mask oswa kouvèti pou figi obligatwa pou antre ak sèvis. Jwenn sant ki pi pre w lè ou rele liy èd FEMA nan 800-621-3362 (TTY: 800-462-7585), ale anliy nan disasterassistance.gov oswa telechaje aplikasyon FEMA.

Moun sila yo ki itilize yon sèvis relè tankou yon telefòn videyo, InnoCaption oswa CapTel ta dwe mete FEMA ajou avèk nimewo spesifik yo ki asiye pou sèvis sa

Pou w jwenn dènye enfòmasyon sou Siklòn Laura vizite <https://www.fema.gov/disaster/4559>.



FEMA

Page 3 of 3